

1. TÍTULO DO PROGRAMA / AXUDA

Programa de promoción da actividade deportiva en idade escolar a través do **BONO DEPORTE**, que se convocan, mediante tramitación anticipada do gasto, para o ano 2024, e **APERTURA DO PRAZO PARA ADHESIÓN DOS ESTABLECEMENTOS COMERCIAIS INTERESADOS QUE POIDAN PARTICIPAR SEGUNDO OS REQUISITOS DAS BASES (DE402D)**

2. FINALIDADE / OBXECTIVO

O obxectivo do programa Bono deporte é axudar as familias nos gastos derivados da práctica deportiva dos nenos e nenas con idades comprendidas entre os 6 e os 16 anos, federados ou inscritos no programa Xogade e fomentar, consecuentemente, a práctica do deporte en idade escolar na Comunidade Autónoma.

3. TIPOS DE APOIO

Axudas a fondo perdido non reintegrables

4. BENEFICIARIOS POTENCIAIS

Alta e requisitos dos establecementos comerciais adheridos ao programa

Os establecementos comerciais, entidades deportivas e prestadores de servizos que desexen adherirse ao programa Bono deporte deberán rexistrarse na web www.bonodeporte.gal e indicar a seguinte información:

- Nome e apelidos ou razón social.
- Establecemento comercial en Galicia.
- NIF
- Nome, apelidos e DNI ou NIE da persoa representante.
- Nome comercial.
- Enderezo do establecemento comercial.
- Número de teléfono móbil.
- Correo electrónico.
- IAE (incluído no anexo I).
- IBAN da conta bancaria.
- Páxina web do establecemento comercial.

O prazo para adherirse ao programa será desde o día seguinte ao da publicación desta orde no Diario Oficial de Galicia ata o 30 de decembro de 2023, sen prexuízo da súa posible ampliación nos termos establecidos na Lei 39/2015, do 1 de outubro, do procedemento administrativo común das administracións públicas.

Poderán adherirse ao programa Bono deporte os establecementos comerciais, entidades deportivas e prestadores de servizos que cumpran os seguintes requisitos:

No caso dos establecementos comerciais e dos prestadores de servizos, que desenvolvan a súa actividade en Galicia e reúnan as condicións legalmente establecidas para o exercicio da súa actividade.

No caso das entidades deportivas, que estean inscritas no Rexistro de Entidades Deportivas de Galicia.

Que en ambos os supostos estean dados de alta nalgún dos grupos ou epígrafes do IAE recollidos no anexo I desta orde.

Na alta para a adhesión ao programa, as persoas e entidades interesadas poderán outorgar a súa autorización para recibir información das axudas, actuacións e programas que poña en marcha a Secretaría Xeral para o Deporte.

Os representantes dos establecementos comerciais, entidades deportivas ou prestadores de servizos deberán asinar dixitalmente a declaración responsable, manifestando o cumprimento das condicións establecidas e a veracidade dos datos indicados, sen prexuízo de cantas outras formalidades estean obrigados a cumprir.

A Vicepresidencia Primeira e Consellería de Presidencia, Xustiza e Deportes, a través da Secretaría Xeral para o Deporte, poderá comprobar ou, se é o caso, solicitar en calquera momento os documentos acreditativos dos mencionados requisitos.

Non se admitirán nin se terán en conta as solicitudes presentadas que non cumpran coas anteriores condicións nin coa forma establecida nesta orde.

O nome comercial e a localización dos establecementos comerciais, entidades deportivas ou prestadores de servizos adheridos ao programa Bono deporte faranse públicos na web www.bonodeporte.gal

Os establecementos comerciais, entidades deportivas ou prestadores de servizos adheridos ao programa recibirán cunha periodicidade semanal, na conta bancaria indicada para tal efecto, a cantidade equivalente aos bonos trocados no seu establecemento.

Poderán ser beneficiarias das axudas do Bono deporte o pai ou nai, titor/a ou persoa que teña en acollemento familiar ou garda con fins adoptivos un menor con idade comprendida entre os 6 e os 16 anos no momento da solicitude, federado ou inscrito no programa Xogade, e que realicen as actuacións establecidas no artigo 5 destas bases reguladoras.

Cada menor xerará dereito a un único Bono deporte.

Sen prexuízo de que o menor sexa titular de varias licenzas deportivas, dunha licenza e dun identificador Xogade, ou que simultanee distintas actividades deportivas, cada persoa beneficiaria disporá dun único Bono deporte por menor con idade comprendida entre os 6 e os 16 anos, nos termos que se establecen nesta orde.

O identificador Xogade ou o número de licenza deportiva federada do menor con idade comprendida entre os 6 e os 16 anos deberá estar emitida durante 2023 e o menor deberá continuar no programa Xogade ou ter licenza deportiva federada no momento da descarga do bono.

As axudas entenderanse concedidas co troco dos bonos polas persoas beneficiarias.

5. SECTORES INCENTIVABLES

Comercio e Deporte

6. REQUISITOS PRINCIPAIS DO PROXECTO

Sistema de funcionamento dos bonos

A descarga dos bonos polas persoas beneficiarias realizarase na web www.bonodeporte.gal e, nese momento, entenderase proconcedida a axuda.

Os bonos terán formato dixital a través dun código QR e estarán dispoñibles para a súa utilización nunha APP que permita realizar pagamentos (Wallet ou similar).

Para **trocar os bonos e poder facer efectivos os descontos ás persoas beneficiarias, os establecementos adheridos terán que descargar no seu móbil a APP bono deporte.**

No momento da compravenda ou da prestación do servizo, os establecementos adheridos terán que introducir na APP o importe e o concepto da venda ou da prestación do servizo e aparecerá automaticamente o importe que se vai cobrar (unha vez aplicado o desconto).

Pola súa banda, as persoas beneficiarias deberán mostrar o seu bono en formato código QR e pagar, en efectivo ou con tarxeta, o importe final da compra realizada

7. CUALIFICACIÓN REQUERIDA DO PROXECTO

8. INVERSIÓNS E/OU GASTOS COMPUTABLES

Por medio desta orde **subvenciónase a compra de material e equipamento deportivo para o menor, así como a contratación de servizos relacionados coa práctica da actividade deportiva, entendéndose expresamente incluída entre estes servizos a cota de clubs deportivos, a través do Bono deporte e nos establecementos comerciais, entidades deportivas e prestadores de servizos de Galicia adheridos ao programa,** segundo o establecido na Orde de convocatoria

9. CONTÍA DAS AXUDAS

Cada persoa beneficiaria disporá dun único bono por menor con idade comprendida entre os 6 e 16 anos nas condicións desta orde, e que poderá ser usado nun ou varios dos establecementos comerciais, entidades deportivas ou prestadores de servizos adheridos ao programa.

Cada bono terá un valor de ata 120 €, que terá a consideración de bono desconto do 80 % da compra ou servizo adquirido.

O importe do bono irase reducindo en función do valor da compra realizada.

O bono poderá usarse ata o seu esgotamento e durante o prazo de validez establecido no punto seguinte.

A validez dos bonos estenderase desde a súa descarga (prazo para descargar os bonos dende o 8 de xaneiro do 2024 ata o 29 de febreiro do 2024) ata o 1 de xullo de 2024, salvo esgotamento previo do seu saldo.

A través da plataforma tecnolóxica do programa, os establecementos comerciais, entidades deportivas ou prestadores de servizos adheridos terán á súa disposición a información necesaria e poderán consultar o histórico das súas vendas, os bonos xa trocados, os aboamentos feitos pola entidade colaboradora e os demais detalles de cada operación.

En caso de devolución do ben ou bens comprados, o importe da compra poderá ser trocado por outra compra de prezo igual ou superior ou por un bono con caducidade de tres meses polo importe correspondente.

O establecemento adherido non poderá aboar á persoa consumidora, en ningún caso, diñeiro en efectivo ou na tarxeta de crédito.

Non será aplicable o troco dos bonos para as compras en liña

10. PRAZO DE PRESENTACIÓN DE SOLICITUDES

O prazo para adherirse ao programa será desde o día seguinte ao da publicación desta orde no Diario Oficial de Galicia ata o 30 de decembro de 2023

www.bonodeporte.gal

Os bonos estarán dispoñibles na web www.bonodeporte.gal para a súa descarga polas persoas usuarias desde o 8 de xaneiro de 2024 ao 29 de febreiro dese ano. Non obstante, se antes do 29 de febreiro de 2024 se esgota o crédito máximo fixado nesta orde, nese momento finalizaría o prazo de descarga

O programa Bono deporte estará vixente ata o 31 de decembro de 2024

11. INCOMPATIBILIDADES

As axudas obtidas ao abeiro desta orde serán compatibles con calquera outra subvención, axuda, ingreso ou recurso procedente doutras administracións públicas. O importe das subvencións en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custo da actividade subvencionada

12. REFERENCIA LEXISLATIVA

ORDE DE 5 DE DECEMBRO DO 2023 (DOG 11 DE DECEMBRO DO 2023) (DE402D)

13. INFORMACIÓN E TRAMITACIÓN

Información as persoas interesadas poderán obter información adicional a través da web: www.bonodeporte.gal

Así mesmo, para cuestións xerais sobre este ou outro procedemento, poderán facer uso do teléfono de información xeral da Xunta de Galicia 012 (desde o resto do Estado, 902 12 00 12

14. OBSERVACIÓNS

OBRIGAS DAS ENTIDADES E COMERCIOS ADHERIDOS A ESTE PROGRAMA

Anunciar no exterior do establecemento comercial, entidade deportiva ou da instalación do prestador de servizos, nun lugar visible, a adhesión ao programa mediante a colocación dos correspondentes materiais publicitarios coa imaxe corporativa do programa Bono deporte.

Facer o desconto directo dos bonos nos tickets ou facturas de compra emitidos, de xeito que as persoas beneficiarias non cheguen a realizar, en ningún caso, o desembolso do importe descontado.

Especificar por escrito na zona de caixa, de forma visible, a política de devolución establecida no número 5 do artigo 16 destas bases reguladoras.

Someterse ás actuacións de comprobación e vixilancia necesarias por parte da Secretaría Xeral para o Deporte para verificar o adecuado funcionamento e xestión dos bonos e do programa en xeral.

Conservar durante un ano todos os tickets ou facturas de compra xustificativos da aplicación dos bonos, mentres poidan ser obxecto de comprobación e control por parte da Secretaría Xeral para o Deporte.

Custodiar con dilixencia as claves de acceso á plataforma co fin de evitar o seu uso indebido, comprometéndose a non facilitarllelas a outras persoas ou establecementos.

As demais obrigas derivadas da presente orde.